



園丁的話: Lím Chùn-iók

TGB網路é phoe 台英俗語對照

Üi-bún hiaⁿ kah ták-ke hó:

Üi-bún hiaⁿ lín hia chòe-kín beh pân to-gí tì-lêng é iáⁿ-tüi. Góa chòe-kín ü ká Lím Bō-seng phok-sū é Eng-tai siók-gú tùi-chhiàu phah-jī. Iáⁿ-tüi hōan-sè iōng ē tiòh, kiá hō lí chham-khó. Chiah-é siók-gí ná bō sít-chè ká in ká, iōng hái-pò ah-sī phiau-gí é hong-sek mā bē-bái.

Hak-khiam

1934/ 11 595 kòan

Hü-liók: Eng Tái Siók-gú Tùi-chhiàu (Lím Bō-seng)

Thâu-sū: Chit-kù chhián-chián-hián-hián tau-kù tau-kù lái kóng-phòh jìn-chêng sū-lí é ò-biáu, che kiò-chò "Siók-gú". Put-lün tò-chit kok, tò-chit só-chāi, to ü siók-gú teh liù-thong. Siāng tē-it sim-sek-ê, chiū-sī Eng-kok é siók-gú é tiong-kan, iá ü chē-chē ü kap Tái-òan é siók-gú saⁿ-tāng-ê: ü-ê sī chòan-jān siāng i-sù, ü-ê sī àm-háp. Che sī teh chêng-bêng chit nng só-chāi é jìn-chêng sū-lí iú-góan ü saⁿ-tāng é só-chāi. Taⁿ góa tī chia ü chū-chip tām-pòh, lái chò chit-é "Sin Tái-òan-òe" nóa é "Hü-liók", hō liat-üi chò chham-khó; ná ü êk m-tiòh, iá kiú liat-üi chí-kàu.

All is well that ends well. (Chit kù siók-gú sī tùi Shakespeare é chit-é hi-chhut é miá lái-ê. I-sù sī kóng, Soah-bóe ná hó, chiū bān-sū lóng hó). Hó-thâu put-jū hó-bóe.

Strike while the iron is hot: (Tái-i: tiòh thàn thih teh jiát é sī ká i phah). Phah-thih sūn jiát.

When at Rome, do as the Romans do: (Tái-i: ná tòa-tī Lô-má, tiòh chiàu Lô-má lāng é só kiáⁿ). Jip kang súi oan, jip hong súi siók.

The pot calls theettle black: (Tái-i: oe-á beh chhiò tē-kó o). Ku chhiò pih bó bōe.

Penny wise and pond foolish: (Tái-i: sió-khóa chíⁿ teh gáu, tōa-chat chíⁿ chiū gōng). Kiàn siáu-lī, sít tái-sū. (thāi-siók)

台灣鄉土長篇小說連載(48)

鄉史補記

陳雷

五

飛沙審戰事大贏，第一是李算本é功勞，chit-é「畚箕 hô 魚」是伊é計 tí。第二是楊快é功勞，裝作乞食，chhōa 官兵來赴死。第三是張阿尾é功勞，交一支烏槍。He 官兵聽 tiòh 槍聲，驚 kah 膽破心亂。第四是賴憲 kap 右勝軍é功勞，封死遮後路，飛箭射死沈國正。第五是李天送 kap 左勝軍é功勞，tng tī 林投內收拾 hiah-é 赴死 é。

吳大獅大歡喜，叫人 ká 沈國正 é 頭斬落來，插竹篙 chhāi tiám 佳福寺。又 koh tī 佳福寺拜天拜地，拜 hāu-siā-á 拜飯 lē。封家已作「義天大王」，封軍師李算本「光明公」，封右勝大將軍賴憲「鎮南大元帥」，封左勝大將軍李天送「征南元帥」，表示南征 phah 府城 é 決心。

知府聽 tiòh 北路協標營三百官兵總滅，千總沈國正斬頭插竹篙，真是大驚一 tiò，叫總兵唐國驤來，講：「這匪借邪惑眾，勢力惡大，tiòh 用計贏，bē 使硬 phah。」Koh 講：「聽講這八卦會文曾文溪南也有一個盟主。」總兵 tám 頭講，tòh 是新化里堡灣里街 é 朱千甲。知府 ká 總兵講，án-ne 生...án-ne 生...。

Tòh ùi 鎮標營調兵六百，hán 講二千，參將福多安領兵，向北前進。Üi 北路協標營 koh 調兵三百，hán 講一千，副將苗長青領兵，向南進來。又 koh 派快捕透曠去新化里堡灣里街掠朱千田來 tī 鎮標營，無問吊起來 tòh phah,phah 了 chiah 罵：「朱千田你奸大膽，北頭洋八卦會抗租造反，thāi 死官兵千人，你如何暗中助援?!」朱千田 hoah 冤枉 m 認，總兵罵：「你罪該萬死！一旦查實，抄家滅族，五馬分屍！」朱千田磕頭 ká 求，總兵講，án-ne 生...án-ne 生...。

副將苗長青 chhōa 北路兵來到佳里興堡，停 tī 漚汪溪 kiⁿ。想 tiòh 頂回千總沈國正 hō 人斬頭插竹篙，三百官兵總滅，心肝膽膽，腳手冷 chhin，m 敢會 pōng 進前。Hit 時漚汪溪對面 hit-é 社仔，有林精聽 tiòh 官兵到，一來驚官兵遇溪來社仔 thāi 人搶物，koh 來 beh 報漚汪姓王 é 舊冤

台語小說集

燈塔下

自序

胡長松

Chit本短篇小說集，是我寫作台語文學最初é作品集，tī 2000 年至 2002 年 é chit 段時間完成。雖然當時我已經能運用北京語寫了三篇長篇é小說，其中 bē 少穿插台語對話é經驗，但對 tī 純粹台語é創作，卻 iáu 是真生疏 é。Tú 好 hit 時，鄉土文壇 é 幾位良師摯友相約組成了「台灣新本土社」，hō 我真榮幸認識了當前最活躍 é 一群台語作家朋友。Tī in é 鼓勵 kap 提攜之下，我踏上台語文學創作 chit 條路。

到底為什麼用台語來創作 neh? 對我來講，最重要é理由是情感é因素：用台語來寫作，hō 我有一種自然面對鄉親é心情，或者，koh-khah 精確é講法，是類似對母親講話é心情。因為 chit-kóa 話語，lóng 是 tùi 細漢以來，伴隨我é成長，



圍 lùt tī 我耳邊 é 親切語言，因此當我試 thèh 筆 ká 伊寫落來 é 時，竟然 ná 像是 tng 到早日厝裡客廳或者鄉里聚會 é 交談中，這 hō 我有極踏實é感受，致到深深迷落去。我認為每一個有寫作經驗é人，lóng 應該至少試看用家已é母語寫作，chit 樣é體驗絕對是千金難買 é。

就我來講，透過台語創作é另外一個重要理由，在 tī 對族群交流 é 期待。語言學家講，語言是文化 é 承載體，chit 句話講了真 tiòh；換句話講，蘊藏 tī 族群語言內底 é，其實是一個族群生活、思想、信仰、情感、歷史 é 文化面貌；咱真 oh 想像全世界只有一種語言，這就 kap 咱真 oh 想像全世界只有一種文化面貌一樣；單一語言、單一文化 é 世界，免不了會是一個枯燥單色 é 世界，而透過交流，彼此 é 族群文化將 koh-khah 輝煌。Tùi 文學 é 角度來看，莎士比亞 é 詩劇有伊特別 é 史格魯·撒克遜語言魅力，而塞萬提斯 é 唐吉軻德則有伊西班牙語言 é 魅力；咱不難觀察 tiòh，是各民族 é 母語豐富了文藝復興 é 文學，卻 m 是當時官方通行 é 拉丁語。我一直深信，多元化差異是創意é搖籃，是世界文明邁進 é 主要動力之一；特別台灣是一個多族群 é 社會，台灣 é 文學創作者實在有責任在 tī chit-e 個基礎上，發揚家已族群 é 文化、文學特色，kap 其他族群交流，彼此豐富，進一步對世界文學做出貢獻；就 chit 點來看，各族群 é 母語創作確實是一條值得珍惜 é 道路。

Chit 本小說集共收錄了九篇台語小說，tī 形式上，大部分是自然寫實一派 é 小說，譬如〈燈塔下〉、〈偷〉、〈筆錄〉、〈一滴值錢 é 目屎〉等 chit 幾篇。另外一方面，也因為是最起初 é 試寫，hō 我思考了

荒漠甘泉台語詩(20)

Tan-tók 單獨

陳清俊 Tân Chheng-chùn 譯著

Kok tiong kam-tiⁿ hó seng-óah, 谷中甘甜好生活， Sè-chiūⁿ tã-chi lóng chòe soah, 世上 tã-chi lóng 做 soah, Chò-sit-lāng tī bēh-hng chhiūⁿ koa, 做橋人 tī 麥園唱歌， Kang-chok kàu jit-thâu lóh soaⁿ. 工作到日頭落山。 Piⁿ-iúⁿ i-gōa, Góa giá-bák khòaⁿ soaⁿ, 平洋以外，我 giá 目看山， Bô ü lāng, chhia, cheng soan-hóa, 無有人、車，眾喧譁， Tùi hó-pêng é soaⁿ, Tùi 和平 é 山， Ü siaⁿ teh kiò góa. 有聲 teh 叫我。

Sī, kok tiong seng-óah sī kam-tiⁿ, 是，谷中生活是甘甜， Kang-chok kàu jit-thâu lóh khi, 工作到日頭落去， Chit jit kang-chok chòe chheng-khi, 一日工作做清氣， Góa sim-lêng su-iàu soaⁿ nih khong-khi. 我心靈需要山裡空氣。 Chi-kóan tiām-chēng é khi-bī, 至 kóan 恬靜 é 氣味， Chhiong-móa tī an-chēng soaⁿ nih, 充滿 tī 安靜山裡， Chhim-chhim an-lêng é soaⁿ piⁿ, 深深安寧 é 山邊， Iáu teh kám tiòh che lêng khi. Iáu teh cảm tiòh 這靈氣。

仇，tòh 想一個好計 tí，偷偷 kap 矮 á 林冊渡船過溪，來見副將苗長青，ká 伊講：「天地會惡勢霸力，百姓 lóng 驚，聽 in 號令。外地兵來，單刀直入，定 tiòh 食虧，不如 án-ne 生...án-ne 生...，然後出兵佳里興，一定大贏。」副將聽了有理，講：「若是消滅逆匪，算你有功。」待續

〈靜思小語〉 Chheng-su Sió-gí

第三篇 談謙虛

Tē-saⁿ phiⁿ Tâm Khiam-hi

釋證嚴

- 1) Chek-sú i tát tì-hiū oan-iōng, 即使已達智慧圓滿， Koh-khah èng-kai hám-thiok khiam-hi, Koh-khah 應該含蓄謙虛， Chhiūⁿ tū-sūi chit-iūⁿ, 像稻穗一樣， Bì-liáp jú pá-bóan 米粒愈飽滿 Sùi tit jú kē. 垂得愈低。 2) Chí ü chun-tiōng ka-kī é lāng, 只有尊重家已 é 人， Chiah ē iōng-kám sok-siò ka-kī. Chiah 能勇敢縮小家已。 3) Sok-siò ka-kī, 縮小家已， Ài ē-tàng sok kàu Ài ē-tàng 縮到‘ Tùi-hong é bák-chiu lāi. 對方 é 目矚內， Iáu-koh ài ē-tàng kham tī Iáu-koh ài ē-tàng 嵌 tī Tùi-hong é sim-thâu siōng. 對方 é 心頭上。

台語小說可能é表現力：台語小說是 m 是有可能以現代派 koh-khah 有表現力 é 技法來呈現？事實上，宋澤萊早 tī 1987 年就 tī 三萬字 é 中篇小說〈抗暴 é 打貓市〉充分展現了現代派 é 意識流技巧；另外，1990 年前後到 taⁿ 陳雷發表了大量轟動 é 小說作品，運用表現主義 é 爆發力十足；in lóng 是台語文學先行者極高 é 成就。不過，爲了 koh-khah chē é 可能，我 iáu 是野人獻曝來寫〈死 é 聲嗽〉、〈貓語烏布合貓 é 民族〉chit 兩篇，前者屬 tī 魔幻寫實，而後者則屬 tī 寓言體，雖是個人單薄 é 試探，但 chit 種投石問路，希望能爲台語文學 é 現代化略表心力，作爲後來者參考。

本書出版 é 時，我 beh 特別感謝台灣新本土社 é 諸多良師摯友，特別是宋澤萊先生、陳金順先生以及方耀乾先生，無 in é 鼓勵賜教，就不可能有 chit 本書 é 出版。當然，對 tī 前衛出版社，我始終抱持最高 é 敬意 kap 謝意。

同時感謝你百忙中願意撥時間閱讀 chit 本書，希望本書能帶 hō 你新 é 閱讀經驗。也誠懇期待你 é 指教。

《合語笑話》

會講話 é 鳥 á

Iáu Chi-liōng 姚志龍

阿良 é 心內真愛飼一隻會曉講話 é 鳥 á，伊將 chit-é 心願 ká 老父講。Chit 件事老父 iá 記 tī 心裡，有一日讀冊放學 tng 來到厝裡 é 時，看 tiòh 一隻 ka 鴿 tī 門口，阿良真正有夠歡喜 é，趕緊走 óa 去觀賞，阿良 chioh ài 知影 chit 隻鳥 á kám 會曉講話？

老父 ká 阿良講：chit 隻鳥 á 真聰明 koh 會曉講外國話！來！來！咱來試看 māi leh. 小等 leh, 你叫伊講話 é 時，伊就會曉講外國話。

阿良：kám 有影？Ka 鴿：“oh-oh oh-oh oh-á hiòh”！

阿良：阿爸，伊是 teh 講日本話 neh! 老父：你 koh hō 鳥 á 講一 pái 看 māi leh。

Ka 鴿：“gút-gút-gút-gút moning”！

阿良：‘爸，chit-pái 伊是講英語 neh! 有夠好 shng é！阿良一直 tī hia 叫 ka 鴿講話，koh 叫 lóng 無停，ka 鴿 mā teh leh 講 bē soah, shng 真久了後，hit 隻鳥 á soah 大聲 hoah: 「救-救-救-救-救人-oh!」

阿良：阿爸，chit 隻鳥 á kah-ná 大舌！大舌！咱掠來去換一隻好 m 好？真好！真好！行到賣鳥 á é 店口

é 時看 tiòh 頭家，阿良 in iá-bōe 講話 é 時，頭家就 tãi-seng 講：Lín-lín-lín！Lín！Beh-beh-beh-beh! Chhòng-chhòng-chhòng-chhòng! 啥貨-啥貨-ah! 阿良聽 tiòh án-ne 就趕緊講：阿爸，免換 lah! Ták 隻 lóng 全款。

台語五言詩一顏敏政 Gán Bín-chèng

Niao-hím bó oan-siú

貓熊無冤仇

Niao-hím bó oan-siú, 貓熊無冤仇， Koaiⁿ sí chin iáu-siú, 關死真天壽， Han-chí hng kim-siú? 蕃薯園禁囚? Pháiⁿ lé mài chiap-siú! Pháiⁿ 禮 mài 接受！

陳文成教授紀念基金會

各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不餘遺力的爲台灣的民主，人權在打拼。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會曾發行《台灣文化》雜誌，舉辦週年紀念會，贊助台灣人作家寫作，邀請台灣作家，文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, http://taiwand.org), 《台灣學生》(台灣學生社 Taiwanese Collegian, http://tc.formosa.org) 和 ITASA (http://itasa.org)。

近年起我們除了固定的獎學金外，更在陳文成生前執教的 Camegie Mellon University 設立一個紀念陳文成的獎學金。自2001年起島內的台美文化交流基金會也在我們美國的同鄉鼓勵下獲得正名爲陳文成教授紀念基金會。

本基金會地址：Dr. Mark R. L. Kao, CWCMF P. O. Box 6223, Lawrenceville, N.J. 08648